

**IOSEPHI AURIAE  
NEAPOLITANI  
ORATIO. DE VITÆ  
HUMANÆ  
FRAGILITATE. AD...**

---

Giuseppe Auria



Universitäts- und  
Landesbibliothek Bonn

INSTITUTIONES  
MATHÉMATIQUES  
J. O. L.

De Vi et Motu Corporum

SCRIPTA: EST. HÆC. ORATIO  
MATHÉMATICA

ANNO. DOMINI. M. D. LXXV

ET. EDITA. NEAPOLI.

IVSSV. ILLVSTRISS. ET. REVEREND.

GVIELMI. SIRLETI. CARDINALIS

F. M.

Post mortem HIERONYMI. SIRLETI  
cuius Fratr̃is.



INSTITUTIONES  
MATHÉMATIQUES  
J. O. L.

IOSEPHI. AVRIÆ  
NEAPOLITANI  
ORATIO

DE VITÆ HUMANÆ  
FRAGILITATE. SCRIPTA  
AD EXERCITATIONEM.



**N**ON raro equidem mirari soleo, cum ceterarum rerum in hominibus inscitiam, tum vel maxime, quòd paucissimi, aut excellenti ingenij magnitudine, aut præclara eruditione, atque doctrina, aut utraque re ornati, studeant suæ naturæ conditiones nosse. Sed plerique omnes, veluti temere, fortuitoq. sati ac creati, ætatem per summam socordiam agant: & prauis cupiditatibus obcæcati, ante moriantur, quàm intelligere potuerint, quam ob rem in vitam venissent. Quòd si illis sapientiæ tanta cura esset, quanto studio caduca, breuia, incerta, fugacia, mobilia consectantur, profecto exspectando, & desiderando, non semper miseri animis penderent, nec cogitationibus stultis effeminarentur, aduersa quæque tum venientia metu augentes, tum mærore præsentia. Sed tota vi bene viuendi posita in virtute, & rerum diuinarum contemplatione, a corporum obsequijs, indulgentiaq. plane discederent: & doloris, mortisq. timore sublato (quorum alterum semper adest, alterum semper impendit) mentem, qua nihil melius, neque præstantius aliud in natura mortalium, rite excoherent: & pura religione, veròq. DEI cultu suscepto, procederent eo excellentiæ, vt adhuc in terris vitam cælestium imitantes, prope diuini, & immortales fieret. Qua de re

quædam

*In homi-  
ne nihil  
mête præ  
stantius.*

quædam altius repetita explicare vberius constitui. Ostendam primum, qua ratione omnia hæc inferiora perpetuæ mutationi sint obnoxia, vnde generentur, quo recurrant; quid in mundo mortale: & caducum, quid diuinum, & æternum. Cum hæc docuero, tum ostendam hominem vnum omnium maxime fragilem, & imbecillum: & quanti constet illi dominatus, principatusq. in alia omnia delatus. Qua ex meditatione conditionis humanæ me effecturum spero, vt cum dies, & noctes omnia nos mala vndique circumstent; mortem, quam passim, veluti horribilem, ac formidolosam deprecantur, vitæ potius humanæ, miseræ, multumq. iactatæ, portum, ac perfugium existimēt. Ergo commune est omnium incipientium rerum, vt ortæ occidant, & auctæ decrescant, vt frigore, vel calore, vel aliqua impressione vehementi labefactentur, aliæ ocyus, aliæ serius, secundum vires earum seminibus insitas, ætatesq. singulis ad viuendum datas. Antiquitas putauit tres Parcas, necessitatis filias, omni vitæ præesse, Lachesim inchoare, Clotho seruare, Atropon finire, ac nendo quidem ducere spatium viuendi, vnicuique concessum, vt quod in fuso perfectum est, præteritum tempus indicet: quod torquetur in digitis, præsens: & quod non dum ex colo tractum, digitisq. subactum, futurū, & insequens ostendat. Quibus temporibus omnia contineantur; præteriti, esse ortum; præsentis, statum; futuri, dissolutionem. Alij maiora spectantes, Lachesim esse voluerunt cælestem naturam altissimā, ex qua inferiora cuncta, vices, ortus, & interitus sentiuntur: sara quæque vitam ducūt, perpetuo cæli motu, ac luce illinc manāte: & calore, lucis sobole, excitato, calore, inquam, non igneo, non aëreo: sed cælesti, sicut lux cæli propria est qualitas, efficacissimo illo quidē, maximeq. salutari, omnia penetrante, fouente, moderante; vnde fluere vim quandā a Stoicis, mentem vniuersi nuncupatam, agitantem primū Ignem, & Aëra, deinde Aquam, & Terram, quæq. ex his quattuor efficiuntur, cum homines, tum bestias, volucres, natantes, agrestes cicures

Parcæ  
tres, filię  
necessita-  
tis.

Λάχαις

Calor, lu-  
cis sobo-  
les.

cicures, feras: tum stirpes, lapides, metalla; originem suam, progressionemq. cunctis eo referentibus, quo etiam resoluta plane reddantur.

*Nam sua cuique locis ex omnibus omnia plagis  
Corpora distribuuntur, & ad sua sacra recedunt.*

*Humor ad humorem: terreno corpore terra*

*Crescit: & ignem Ignes producunt, atheraq. æther:*

Quod & Hippocrates attigit, affirmans, homine animam agente, singula in propriam naturam discedere, atque in ea redire, ex quibus vnumquodque constaret. Per Clotho intellexerunt stellas errantes, & inerrantes, a quibus orientes ita animaremur, atque formaremur, ut quisque ingenia, mores, actiones, vitæ cursus, euentusq. accerferet. Per Atropon fatalem & immutabilem continuationem ordinis sempiterni, quia nihil aliud fieri possit, atque a DEO constitutum est; tametsi multa nec opinata videantur propter obscuritatem, ignorationemq. causarum. Eam porro naturam esse omnia gignentium corporū, ut cum sursum, deorsum, vltro citroq. indefinenter commeent: & alia ex alijs oriantur, ac vicissim propter principes qualitates inter se dissidentes, immutentur, nihil diutius vno, & eodem statu esse possit: sed cuncta continenter nascantur, occidant, fluant, labantur. Quibus omnibus substantia quædam communis subiecta sit sine vlla specie, atque carens omni qualitate, expers ortus atque interitus, ex qua omnia exprimantur, & in quam deinde recipiatur, dum ab illis, vtrique ingredientibus, & exeuntibus, iugiter agitur, atque formatur. Ac Natura quidē perlibenter singula immortalia fecisset: sed quia per infirmitatem materiæ non licebat, id in generibus, quæ perpetuari videmus, molita est, quoad eius fieri potest, prole noua Mundum semper frequentans, & labentia sæcula cupide propagans, ne quando vacuo æuo torpeant. Interim vero mens illa, quam supra demonstraui fusam per vniuersum, retinet elementa, aptissimo vinculo, atque pulcherrimo colligata, sic, ut se se concordata amicitia, & charitate

Hippocr.  
cr. in lib.  
de Natura  
humana  
Κλῶθῶ.

Ατρώπη.

κτ.

tate

rate complectantur : quæ & princeps , & moderatrix reli-  
quorum , præclari , eximij, cuncta sua luce lustrantis , qui  
oriens , & occidens diem , noctemq. conficit : & modo re-  
cedens, tristitia contrahit terras, tum autem accedens, vi-  
cissim lætificat: vnde anni semper renascentes, quadripar-  
titæq. temporū mutationes, aptæ ad constitutionē omniū  
rerum:& temperationem. Superiora certe sunt simplicia, &  
semper vniūsmodi, immutabilia, infatigabilia, inuiolabi-  
lia : inferiora autem mortalia : & caduca, præter animos ,  
hominum generi, munere D E I , datos : composita dissol-  
uuntur, dissoluta componuntur, perpetua adiectione : di-  
minutioneq. laborant, oriuntur, crescunt, extinguuntur,  
inequabilibus spatijs eodem cuncta dimittuntur. At homo,  
ad cuius commoditates , & vsus alia omnia sunt creata ,  
multo maxime fragilis est, videlicet inter tot periculorum  
genera, tot morbos, tot mortis casus, totq. curas, ma-  
gna, & sæua mercede comparata sua præstantia, vt diffi-  
cile sit intellectu, vtrum Parens illi melior Natura fuerit,  
cui cetera animantia subiecit, tantamq. ingenij solertiam  
largita est, an tristior nouerca, perpetuis malis tanta mu-  
nera rependens. Homerus antiquissimus scriptor, & Poe-  
tarum maximus, dicit Aten, idest calamitatem, Deam  
turbantem Cælum, eamq. ob causam deiectam illinc a lo-  
ue in terras, vbi *παύται αὐτά,*

Superio-  
ra, æter-  
na.

Inferio-  
ra, mor-  
talia.

Homo  
omnium  
maxime  
fragilis.

Home-  
rus Poe-  
tarū ma-  
ximus.  
Ates Dea

Iliad. T.

Οὐλομένη, τὴ μὲν θ' ἀπαλοῖ πόδες. ἐν δ' ὅτ' ἔδδ  
Πίλναται, ἀλλ' ἄρα ἤγε κατ' αἰθρῶν κράατα βαίνει  
Βλέπεισ' αἰθρῶνας,

Hesiodus  
Operum,  
& Dierū  
lib. 1.

Quid quod Hesiodus Homero posterior, carminibus  
græcis, & ipse vaticinatus est, homines diu simplicissime  
vixisse in summa rerum abundantia, quas sponte tellus fe-  
rebat, procul malis, procul laboribus, procul curis, pro-  
culq. morbis, senium afferentibus: Sed posteaquam Pro-  
metheus, Iapeti filius, ignem cælo mala fraude subductum  
mortalibus intulit, Iouem iratum ob id furtum, nos cu-  
mulasse tot miserijs, semoti, prius lethi, tardam necessita-  
tem corripuisse, subornata ad fallendos mortales Pando-  
ra,

Prome-  
theus Ia-  
peti fi-  
lius.

Pandora.

ra, quæ demissa in terras, & recepta ab Epimetheo aliter atque a fratre Prometheo admonitus fuerat, mox vas in- gens, quod secum detulerat, aperuit, vnde exilierunt ma- la innumerabilia, sola spe in vasis labris subsistente, quod operculum ante oppositum est, quàm posset euolare.

Ἀλλὰ δὲ μυρία λυγρὰ κατ' ἀνθρώπους ἀλάληται,  
Πλὴν μὲν γὰρ γᾶς κακῶν, πλὴν δὲ θάλασσα,  
Νοῦσι δὲ ἀνθρώποισιν ἐφ' ἡμέρη, ἥ δ' ὅτι νυκτὶ,  
Αὐτόματοι φοιτοῦσι, καὶ ἀθνητοῖσι φέρουσαι.

Prometheum autē fraudis admittæ pœnas pendere, re- legatum per Mercurium ad Caucasum montem Asiæ al- tissimum: asperissimumq. & immani saxo ibi vinctum: & aduolantem Aquilam singulis diebus iecur hominis noctu renouatum dilaniare, corpus eius perenni miseria fedan- tem. Prisci, quibus fuit studium latentem in fabulis veri- tatem inuestigare, ignē exposuerunt calorem, in omnium fufum naturam, in quo procreandi vis, & caussa gignen- di, a quo & animalia omnia, & ea, quorum stirpes terra continentur, aluntur, crescunt, conseruantur, sustinentur, qui quamdiu remanet in nobis, tamdiu sensus, & vita re- manet: refrigerato autem eo, & extincto, occidimus ipsi, & exstinguimur. Aquilam, huius vitæ curas, & quotidiana- nas sollicitudines, nos exedentes, a quibus vacuus nocturno tempore secundum quietem est animus, interim seipsum colligens, & reficiens: spes autem idcirco subsistit in va- se, quod mens humana semper in futurum agit suspensa: & anxia. Quæcumque enim in vita cogitamus, & molimur, ex spe cuncta pendent. Pueri parant se iuuentuti, hæc ætas senectuti, senectus vltterius mittit cogitationes, nihil agi- mus, nisi cum expectatione. Abdala vnus e sapientibus Arabum aliquando interrogatus, quid præcipue in hoc Orbis terræ theatro mirabile spectaretur, respondit, ni ho- mine mirabilius spectari: cuius astipulator Mercurius Trif- megistus, scripsit, hominem maximum esse miraculum. Constat præclara quadam conditione generatum ad DEI imaginem: & similitudinem, qui ipsius gentilem, & cul- torem:

Caucasus  
Mons A-  
siæ altissi-  
mus.

Caloris  
vis.

Ex spe  
cuncta pē-  
dere.  
Abdala.  
Mercuri-  
us Trif-  
megistus.



torem & imitatore[m], qui consideraret admirabilem Naturę fabricam, qui contemplaretur ordinem cęlestium: & medium terrarum globum tueretur. Hunc diuinitate mentis ornatum, cum veri, & falsi iudicandi, discernendiq. boni, & mali scientia, cum prudentia intelligendi principia, & causas rerum, quid quamque sequatur, quid ve sit cuique contrarium: & cum memoria, qua recordetur pręterita: & pręsentibus annectat futura. Hunc participem rationis; cuius vi alius alij concilietur, & ad orationis, & ad vitę societatem. Eius ingenio datam figuram corporis aptam, cum plurimis singulorũ membrorũ, internorum & externorũ opportunitatibus, & habilitatibus, quarum comites sensus & affectus. Hunc acutũ, prouidũ, sagacem ad intelligendum, & agendum natum, solum ex tot generibus animantium, quorum principatum teneat, notitiam prępotentis DEI, conditoris sui, habere. Reliqua abiecta ad pastum, vel iacentia in terra, vel mersa vndis, vel in aere pendentia. Hunc erectum ad cęli quasi cognationis conspectum excitatum, supera, infera, prima, vltima, media cernere, cum in primis ipsius propria sit veri inquisitio, atque inuestigatio: cęlum, sidera, terras, aquas, animantes, stirpes, lapides, metalla, omnium rerum naturam perspicere: & ipsum cuncta moderantem DEVM: ac regentem contẽplando pene pręhendere: ad eũ in quotidianis negotijs, & medijs miserijs confugere: ab eo auxilium implorare, eo venerando, & religioni verę parendo, aspirare ad beatitudinem, immortalitatem. Ab hoc leges, moresq. constitutos, tum iuris æquam descriptionem, certamq. viuendi disciplinam, per quam bene, beateq. viuatur. Quid enumerem tot artes eius, tantas scientias, tot inuenta, quibus paret ea, quę suppeditent, & ad victum, & ad cultum? Quo circa merito principem locum tenere in hoc Mundo videtur, qui & ipse parvus mundus dictus est a multis: quandoquidem, quę in vniuerso insunt, vniuersa in eo reperiantur. Sunt ignis, aer, aqua, & terra inter se temperata, re ipsa in hoc corpore concreta, est spiritus

Hominis  
propriũ  
contem-  
plari.

Homo,  
mundus  
paruus.



tus tenuior, & diuini<sup>or</sup> Elementis, Cælo, vt ait Aristoteles, analogia, seu proportionē respondens, & animam cum corpore copulans. Est vita stirpiū eisdem muneribus fungens, generandi, alendi, augendi: est sensus brutorum, tam internus, quàm externus: est animus ratione pollens: est mens diuinitus adiecta, incorporea, impatiibilis, immortalis: est earum omnium naturarum simul confluentium consensus. Huic inferiora famulantur, superiora fauent. Sed ne dotibus his superbiamus, aut insolentius de nobis gloriemur, impediunt e contrario miseris, in quibus vitā trahimus ab ipso lucis rudimento. Primum vnus homo, animantiū cunctōrū, nudus nascitur, cum cetera protinus vitæ principio natiuis varie tegumētis, a frigoribus, & calore defendatur, quæ & ipsum superāt corporis robore, pernitate, velocitate, sensuum vigore, & ætatum diuturnitate. Vnus statim ad vagitus, ploratusq. abijcitur, vnus continuo pedibus, manibusq. deuincitur, tamquam a supplicijs vitam auspicans: deinde satis constat non fari, non ingredi, non vesci, nisi edoctum. Postremo sub ingrauescentē ætatem, in quam confluit quidquid est infirmum & fragile naturæ, videmus hebescere sensus, membra torpere, deficere vires, præmori visum, auditum, incessum, hinc senem morosum, & anxium, & iracundum, & difficilem: & odiosum, sibiq. & alijs intolerandum: tandem nec sentire, nec sapere, si longius ætate progrediatur: eumq. rursum repuerascere, quæ res eum misere ridiculum facit. Huc accedunt diuturnæ corporis, & animi molestiæ, ægeitas, infamia, seruitus, exilium, amissio suorum, luctus, orbitas, solitudo, ceterq. ærumnæ omnibus horis in apertā ipsius perniciem incurrentes. Vnde versus Euripidei,

Hominis  
miseriæ  
innume-  
rabiles.

Εφυ μὲν οὐδὲς ὅστις ἐ πορεύετο βροτῶν,  
Θάπτει τὸ τέχνα, ἥ ἅπαντα αὐτὰ τὰ νῆα.  
Αὐτὸς τε θνήσκει, ἔτα δ' ἄλγιστα βροτοί,  
Εἰς γλῶφ' ἔρποντες. τὼ δ' ἀνὰ γαλῶας ἔχει.  
Βίον διρίττω, ὅσκι καρπύμων εἰσάγω,  
Καὶ τὸν μὲν εἶ, τὸν δὲ μή. τί ταῦτα δῖ;

Euripi-  
des in  
Phœnissæ

B

Στίχ.

Στῆνεν ἄπὸρ δὴ τῆς φύσιν διεπαῖν ;  
 Διδόντ' ὃ δ' ἐδὲν ἥβ' αἰαχάων βροτοῖς .

Cic. Tu.  
 scul. 3.

& Cicero præclare, vt cetera ,

*Mortalis nemo est, quem non attingat dolor ,*

*Morbusq. multi sunt humandi liberi ,*

*Rursus creandi, morsq. est finis omnibus .*

*Quæ generi humano angorem nequidquam afferunt :*

*Reddenda est terra terra, tum vita omnibus ,*

*Metenda, vt fruges : sic inbet necessitas :*

Hom.  
 Iliad. p.

Et Homerus, vbi omnium animantium genera contem-  
 platus esset, eorum victus inter se contulisset, exclamauit,  
 omnium, quæ humi serperent, & spirarent, calamitosissi-  
 mum esse hominem, principatum haud sane felicem illi  
 tribuens, vt in expendendis malis primas teneat. Quid re-  
 feram varia venena exitij tam præsentis? tantam difficul-  
 tatem in victu parando, tantam curam in serendo, colendo,  
 & demetendo, condendo, reponendo? vt segetes effundant  
 herbas frugibus inimicissimas, a quibus necentur; vt vre-  
 do herbis, leguminibus, & fruticibus incommodet sidera-  
 tio, & vermiculatio arboribus; carbunculus, & articu-  
 latio vitibus; putredo fructibus, cibisq., caries lignis,  
 rubigo metallis, tineæ vestibus: vt æstus, & rigor Cæli  
 afferant morbos pecudibus procreatis, cum ad vescen-  
 dum: & corpora vestienda, tum ad cultus agrorum, &  
 ad vehendum: vt noceant ignes incendijs, a quæ eluui-  
 onibus, & naufragijs, ædificia ruinis? Ad summam, ne  
 agam de singulis, cum omnes vndique bestię, ferę, &  
 cicures insidientur, omnia vndique pericula immineant,  
 plura tamen homini ab homine, quam a ceteris, mala in-  
 feruntur, videlicet calumnijs, litibus, factionibus, furtis,  
 rapinis: cumq. cetera animalia, quæ rationis expertia di-  
 cimus, in suo genere probe degant, congregentur, & stent  
 contra dissimilia, tamen homines non modo locis, linguis,  
 imperijs disiuncti, sed etiam eiusdem gentis, nationis, lin-  
 guę, religionis, & ciuitatis, odijs mutuis flagrantes, spre-  
 ta communitate, societateq. humani generis, bellum, quod

vnum

vnum omnium scelerum colluuiem inuehit, alij alijs fa-  
 ciunt, per iram & cupiditatem se se omni diritate, crude-  
 litate, immanitateq. teterrima nefarie lacerantes. Quo-  
 rum reputatione efficitur, neminem mortalium esse feli-  
 cem: sed præclare, atque indulgenter agi cum illo, qui iu-  
 re dici non infelix possit. Atque eo etiam magis, quod ni-  
 hil homini sine labore obuenit, nihil sine solitudine ser-  
 uatur, & quidquid datur, incertum, ac breue est, etiam  
 his, quibus largitione contingit, vniuersum vtique æui tem-  
 pus intuentibus. Quæ enim ætas longa est? aut quid om-  
 nino homini longum? aut qui ipsius anni, vnus tantum  
 modo astri redditu numerati, si magno anno, & vere ver-  
 tenti comparetur? cum cuncta astra ad idem reddierint,  
 eandemq. cæli totius descriptionem longis interuallis re-  
 tulerint, vniuerso numero temporis perfecto? Sed quid  
 ego? cur loquor de hominibus? cur queror de eorū miseria,  
 & fragilitate? cum tot vrbes quondam florentissimæ longa  
 annorum serie, multisq. laboribus structæ, iaceant dirutæ,  
 quarum cadauera nulla, ac ne nomina quidem supersunt:  
 Cum imperia multa, ac regna, longe, lateq. rerum potita,  
 quæ tanta indole creuerant, vel desidia successorum la-  
 befacta, vel bellorum iniuria euerfa, vel vetustate, a qua  
 nihil tutum est, paullatim immutata, corruerint. Prouin-  
 ciæ totæ cum gentibus, ac nationibus conciderint, siue  
 ingenti terræ motu concussæ, siue eluuiionibus haustæ, siue  
 exustionibus vastatæ. Quas mutationes aiunt lege Mundi  
 necesse esse accidere statis temporibus, cum ad morum  
 Primi cæli, vnde motus reliqui inferiores, & omnis Natura  
 pendet, tum ad errantium siderum coniunctiones, & sepa-  
 rationes, quibus Elemēta, & quæ ex Elemētis constituuntur,  
 præcipue parere supra demonstratum est. Quam cæli cum  
 terris societate Democritus nobilissimus physicus primus  
 inuenisse, ostendisseq. fertur. Nimirum hanc esse rerum  
 humanarum continuam vicissitudinem, quæ eodem in ἡγε-  
 νει πολλὰς πολλαὶς, πολλοὺς δὲ ἀποδοκίς, vt ait Aristoteles,  
 recidat: vel quod materia ad similitudines edēdas est faci-

Magnus,  
 ann⁹ qui  
 Macro-  
 bius lib.  
 2. c. 11.

Primum  
 mobile.

Democri-  
 tus.

Materia.

Apoca-  
lyp. c. 21.

Plato.

Tempus  
quādo in-  
cœperit.

lis, vel quiddē ex quibusdā terminatis numeris series rerum  
connexa existit, quemadmodum Pythagorę primum, dein-  
de Platoni placuit. Ac ne longius a proposito aberrem,  
Mundi etiam interitum exspectamus, & diem, quæ tandem  
hoc vniuersum, omnia simul complectens, dissipet, & in  
pulchriorem speciem, simplicioremq. conuertat. Et eri-  
mus tam superbæ arrogantix, vt velimus in hac necessita-  
te naturæ, omnia ad vnum finem reuocantis, nos, nostrosq.  
seponi, & a ruina ipsi Mundo imminente, nos, nostrosq.  
subtrahere: aut stultitia aberrabimus vsque adeo, vt præsidium  
non quæramus ad beatam vitam, sed spem omnem felicitatis  
ponamus in rebus interituris, & labentibus, ac fluenti-  
bus continenter? Quarum mobilitatem & inconstantiam  
considerans ille non intelligendi solum, sed etiam dicendi  
grauissimus auctor, & magister Plato, contemplando pro-  
cessit eo diuinitatis, vt firmissime asseueraret, nihil esse,  
quod oriretur, & interiret: idq. solū vere esse, quod vnum  
semper atque idem est, neque vllum habet ortum, & ra-  
tione, intelligentiaq. continetur, qualem statuebat æter-  
nam substantiā, quæ constanter in suo statu manens, neque  
senior se ipsa sit vnquā, neque iunior, neque recipiat eorū  
quidquam, quibus res corporeæ, mobilesq., conditione  
generationis, subiiciuntur: quæ sunt species temporis, imi-  
tantis æuum, seq. numero identidem reuoluentis. Tempus  
autem cum cælo incœpisse, vt simul orta, simul etiam dis-  
soluatur. Cetera alternis vicibus ortus, & interitus varian-  
tia, rationis expertia, opinionem dumtaxat asferre per  
sensus, ideoq. omnino opinabilia haberi: eorum nec artem,  
nec scientiam institui posse: sed vniuersorum, quæ semper  
eadem, & eodem modo essent apud omnes, quæ maxime  
secundum naturam, quæ in vnum exitum spectarent, &  
numquam fallerent, omne iudicium veritatis, veritatemq.  
ipsam, abductam ab opinionibus, cogitationis ipsius, &  
mentis esse. Itaq. oportere cum, qui intelligentiæ, sapien-  
tiæq. se amatorem profiteatur, conquirere primas causas  
Sapientis, natura efficientes, cum intelligentia pulcher-  
rimo

rimorum, & optimorum. Deinde secundas earum rerum, quæ necessario mouent, cum ipsæ ab alijs moueantur, quæ prudentia vacantes, inconstantia, perturbataq. efficiant. Similem porro hunc Mundum, quem videmus, putabat magnæ cuidam speluncæ subterraneæ, in qua vincti homines degerent ætatem, superne a tergo ignis facem suspensam habentes, & nihil videntes vel sui, vel proximorum, præter umbras, ab igne in aduersam partem antri cadentes, qui si quando patefactis terræ faucibus, ex cæcis, & tenebrosis illis latebris, exuti vinculis, in lucem excedant, læti intueantur admirabiles rerum species, quarum simulacra, aut imagines, obscuras ante cernebant. Facem ignis in specu rebatur esse solem, mentem Mundi: & temperationem lucem rebus ministrantem. Vincula vero, corpora nostra terrena: & concreta, quibus intersepimur, & inflammemur ad omnes cupiditates, quibus impeditur animus, ne veritatem: & sapientiam assequatur. Umbras, res omnes sensibus subiectas, adeoq. mobiles, vt nihil vnquam in his vnum sit constans, ne idem quidem: ideoq. nec cognosci, nec percipi: nec posse sciri. Sensus angustos, hebetes, & tardos, animos imbecillos, breuia curricula vitæ, veritati nihil hic relinqui, omnia tenebris circūfusa, omnia institutis, & opinionibus teneri. Tum autē nos lucem visuros, cū in Cælū ex his vinculis corporis emissi feremur, vbi ipso animo per se cernemus ipsum per se pulchrū, sincerū, integrum, purum, simplex, nullis opinionibus humanis inquinatum. Illic æterna veritas, illic sapientia, & scientia vigent. Quarum cupiditas cum insit in mentibus nostris insatiabilis, & exiguæ contingant, vel nullæ potius in vitam, futurum sine dubio, vt expleatur, cū moriemur. Quod si viuētes aliquid sapere velimus, animum esse ad seipsum aduocandum, secum esse cogendum, maximeq. a corpore abducendum, id est adsuetaciendum mori. Hoc & dum erimus in terris, fore simile illi cælesti vitæ, & cum illuc referemur ex his vinculis emissi, tum denique victuros. Hoc esse summum hominis bonum, non in hac vitam quæ-

rendum

Mundus  
hic cui si-  
milis.

rendum: quæ potius mors est dicenda. sed in illa altera sperandum. Huc tamquã ad extremũ rerũ expetendarum, referenda degenđe vitę ratio omnis: & cũcta consilia bene viuendi recteq. faciēdi. Quę grauitèr magnificeq. dicta sunt, vt tēporibus illis, quibus homines in summo superstitionis errore: & in maxima veræ religionis ignoratione versabātur, quibus nesciebatur, quid liquido vtile, & honestum, quibus varij, & incerti fines bonorum per ambages philosophantium: & quasi per caliginem proponebantur. Verũ enim uero longe certiora fuerunt, quæ postea ex sancto, augustoq. CHRISTI fonte manarunt. Nam ante CHRISTVM superstitiõ fusa per gentes, oppresserat omnium fere animos, & hominum imbecillitatem occupauerat, exceptis Hebræis, qui soli mortalium, singulari DEI beneficio, veram religionem colebant, illam quidem imperfectam: & certe inchoatam: donec ille a Patre superuenit, qui in sacris libris se fatetur esse viam, veritatem, vitam, & lucem affulgentem omni homini nascenti, promittens indubitatam: & æternam felicitatem sibi credituris, & obsequuturis: qui re vera sol iustitiæ cum esset, radijs veritatis discussit mortis vmbras, quibus obruebamur. Igitur DEVS volens opitulari tandem homini, quem ad effigiem diuinitatis effinxerat, cęlo demisit Filium vnigenitum, & singularem in terras, qui assumpta humanitate, naturam inde vsque ab initio Mundi, culpa Adami corruptam, cuius correctio tentata primum fuerat per Abraamum, deinde per Mosẽ, post per Prophetas insequentes, nouissime in antiquum statum, ex quo decederat, beneficis restituit, eiq. ad summam beatitudinem suo sanguine aditum muniuit. Quam ob rem illi, vt saluatori, exultantes gratias agemus: eumq. iustis honoribus, memoriq. mente veneremur, vt DEVM, qui princeps vitæ, rationẽ ostendit eam, quæ nunc appellatur Sapientia.

*Versadicis, & qui purgauit pectore dictis,  
Et finem statuit cupidinis, atque timoris,  
Exposuitq. bonum summum, quo tendimus omnes,*

*Quid*



*Quid foret : atque viam monstravit limite prono ,  
 Qua possemus ad id recto contendere cursu ,  
 Quidue mali foret in rebus mortalibus : & qui  
 Fluctibus e tantis , vitam , tantisq. tenebris ,  
 In tam tranquilla , & clara luce locauit :*

Duo autem potissimū commendauit, vnum, vt in DE I  
 amorem toto animo, & studio insisteremus, ab eo solo sa-  
 lutem speraremus, ab eo vitiorum, peccatorumq. nostro-  
 rum omnem peteremus correctionem, & expiationem: al-  
 terum, vt homines alteros perinde ac nosmetipsos di-  
 ligamus: ob eamq. ipsam causam, quòd homines sint,  
 consultum illis velimus, societatem charitatis cū his coea-  
 mus, omnes, vt natura coniunctos, nostros ducamus,  
 agnoscentes, non vt populares aliquorum locorum: sed  
 ciues totius Mundi, nec solum in amore respondeamus  
 his, a quibus prouocemur, sed etiā bene cupiamus inimicis:  
 ab alienis mentes, oculos, manus abstineamus: nullius  
 spolijs nostras facultates, copias, opes augeamus, nemini  
 proprii commodi causa noceamus. Præterea in Euangelijs  
 passim adhortatur ad pacem, ad mansuetudinem, omnēq.  
 virtutem: reuocat a flagitijs, iubet domare libidines, coer-  
 cere cupiditates: monet, ne in diuitijs, pecunijs, honori-  
 bus, imperijs, gloria: ne in corporis commodis, & volu-  
 ptatibus, felicitatis spem collocemus: sed in vitæ cælestis  
 expectatione, & in bonis animi sempiternis, quæ nec ocu-  
 lus vidit: nec auris audiuit, nec assequi potest hic mens no-  
 stra. Ea autem DEVS Mundi præses ac Dominus, &  
 iudex omnium, pietatis, & probitatis præmia sui cultori-  
 bus proposuit, quibus, post mortem, corporibus in vltimo  
 generis humani iudicio resumptis, cupiditatū: & dolorum  
 expertes, nihil sibi deesse sentientes, nihil requirentes,  
 tranquillissime perfruemur in perpetuitate omnis tēporis  
 consequentis. Tunc ipse animus vitij se exurū cognoscens,  
 coniunctumq. cum Diuina mente sentiens, insatiabili gau-  
 dio complebitur: Hæc est vera felicitas, vt DEO coniu-  
 gamur, quod eius solius beneficio possumus assequi: qui  
 in se

Mat. 22.  
 & Luc.  
 10.

Io. 15.

Luc. 6.



in se ipso hominem DEO coniunxit, vt quemadmodum filius DEI humanitatem induit, sic per eum nos filij DEI fiamus. Hæc est optanda merces omnium laborum, quam non modo summam, sed nimirum vel solam dubio procul dicere non verebor. Hæc vita æterna, hæc Sapientia, quam Philosophi, nisi per caliginem, non viderunt. Ea demum magna est consolatio in morbis, solitudine, paupertate: in carcere, verberibus, cruciatibus, tormentis: in exilio, amissione suorum, luctu orbitate, vt omnia præsidia habeamus in DEO bene, beateq. viuendi. Nam impendente morte, aut instante iam plane, aut certe appropinquante, non mediocre proponetur solatiū reputantibus fiducia veræ pietatis ad cælestem Patriam, atque adeo ipsam æternitatem redditum longe certissimū patere. Nec vero in calamitatibus vitam negligemus, a quibus breuitas temporis nos sit vindicatura, cum sciamus diuersorium nobis, non habitandi locum esse datum: neq. eādem in prosperitatibus auide nimis amplectemur, omnia humana spernentes præ immortalitate illa, quam adepti DEO coniungemur, per ipsius amorem, immensamq. erga nos benignitatem. Eo pacto nulli metus terrebunt, nullæ ægritudines excedent nullæ libidines incitabunt, nullæ lætitiæ exultantes languidis liquefaciēt voluptatibus. Sed seruantes æquabilitatem vniuersæ vitæ, tum singularum actionum, erimus DEO, & hominibus commendatiores.

F I N I S.

DEO GRATIAS.

